



ТОШКЕНТ ОҚШОМИ

2020 йил 7 ЯНВАРЬ, СЕШАНБА

Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСИЙ КУНДАЛИК ГАЗЕТАСИ

№ 2 (14.053)

Баҳоси эркин нарҳда

МУФТИЙ УСМОНХОН АЛИМОВГА "ЭЛ-ЮРТ ҲУРМАТИ" ОРДЕНИ ТОПШИРИЛДИ

Ўзбекистон Республикаси Президенти Шавкат Мирзиёев 6 январь куни Ўзбекистон мусулмонлари идораси раиси, муфтий Усмонхон Алимовни қабул қилиб, унинг 70 йиллик таваллуд айёми билан самимий табриклади.

Давлатимиз раҳбари Усмонхон Алимовнинг миллий ва диний қадриятларимизни тиклаш, асраб-авайлаш, буюк алломаларимиз, мутафаккирларимизнинг бой илмий меросини ўрганиш, тарғиб қилиш ҳамда жамиятда диний бағрикенглик муҳитини мустаҳкамлаш борасидаги фаолиятига алоҳида тўхтади.

Ўзбекистон Мусулмонлари идораси раҳбари нафақат юртимиз ва Марказий Осиёда, балки дунё миқёсида ҳам тан олинган нуфузли уламолардан бири экани, унинг Ислому олами уюшмаси таъсис мажлиси ҳамда Бутунжаҳон уламолар кенгаши аъзоси этиб сайлангани, "Дунёнинг энг нуфузли 500 мусулмони" рўйхатидан муносиб ўрин эгаллагани халқимизга улкан фахр бағишлаши таъкидланди.

Биз муфтий ҳазратларини ислом маърифатининг толмас тарғибчиси сифатида биламиз ва қадрлаймиз. "Тафсири Ирфон", "Имом Бухорий – муҳаддислар султони", "Оилада фарзанд тарбияси" каби асарларининг халқимиз қалбидан чуқур жой олган, – деди давлатимиз раҳбари.

Ўзбекистон Республикаси Президенти Шавкат Мирзиёев Мусулмонлар идораси раиси, муфтий Усмонхон Алимовнинг мамлакатимизда ислом маданияти ва илм-фанни ривожлантириши, муқаддас динимизнинг инсонпарварлик моҳияти ва эзгу қояларини, буюк аллома ва мутафаккирларимизнинг бебаҳо илмий меросини таъқиб этиши ва халқро миқёсда кенг тарғиб қилиш ишига қўшган муносиб ҳиссаси, жамиятда ижтимоий-маънавий муҳит барқарорлигини таъминлаш, миллатлараро тотувилик ва ҳамжиҳатликни мустаҳкамлаш борасидаги катта хизматлари, диний ва дунёвий би-

лимларни пухта эгаллаган етук мутахассисларни тайёрлаш, ёш авлодни Ватанга муҳаббат, бағрикенглик ва миллий қадриятларимизга ҳурмат руҳида тарбиялаш йўлидаги ибратли фаолиятининг юксак эътирофи рамзи сифатида унга "Эл-юрт ҳурмати" орденини топширди.

Муфтий Усмонхон Алимов давлатимиз раҳбарига юксак мукофот учун ташаккур билдириб, сўнгги йилларда жамият ҳаётининг барча жабҳалари қатори диний-маърифий соҳада ҳам улкан ислохотлар амалга оширилаётганини таъкидлади. Муқаддас ислом динини ўрганиш, аждодлар меросини қайта тиклаш ва уларни келажак авлодларга етказиш бўйича олиб борилаётган кенг қўламли ишларда бор куч-гайратини сафарбар қилишга тайёрлигини билдирди.

Учрашувда мамлакатимиздаги ижтимоий-маънавий муҳит барқарорлигини таъминлаш, ёш авлодни тинчлик, инсонпарварлик, бағрикенглик ва ҳамжиҳатлик руҳида тарбиялашга қаратилган тарғиб ишларида Ўзбекистон мусулмонлари идораси ва диний соҳа вакиллари фаол иштирок этишини ўз бурчи деб билиши қайд этилди.

Президентимиз Шавкат Мирзиёев ташаббуси билан буюк аждодларимизга муносиб ворислар тайёрлаш, юртимизда диний таълим тизимини такомиллаштириш, ислом динининг асл моҳияти ва инсониятни эзгуликка элтүүчи дин эканини илмий асосланган ҳолда теран ўрганиш ҳамда тарғиб этишга қаратилган тизимли ислохотлар амалга оширилаётгани халқимиз ва халқро ҳамжиҳат томонидан юксак эътирофга сазовор бўлаётгани алоҳида таъкидланди.

ЎЗБЕКИСТОН ПРЕЗИДЕНТИ "ТУРКИЙ ДУНЁ ТИКЛАНИШИГА ҚЎШГАН УЛКАН ҲИССАСИ УЧУН" ХАЛҚАРО МУКОФОТИГА САЗОВОР БЎЛДИ



Ўзбекистон Республикаси Президенти Шавкат Мирзиёев Туркий дунё ёзувчилари, зиёлилари ва санъаткорлари жамғармаси (ТУРКСАВ) томонидан таъсис этилган "Туркий дунё тикланишига қўшган улкан ҳиссаси учун" халқро мукофотига сазовор бўлди.

Бу ҳақда ТУРКСАВнинг Анкарада ўтказилган махсус матбуот анжуманида маълум қилинди.

Мукофот соҳибининг исми-шарифи ТУРКСАВ хайъати коллегиал қўмитаси томонидан Туркия ва хоржий давлатларнинг таниқли сиёсатчилари, иқтисодчилари, фан ва санъат номиёндаларининг 2019 йилдаги фаолиятини ўрганиш натижалари асосида эълон қилинди.

ТУРКСАВ мукофотини топшириш маросими 2020 йил май ойида Анкарада Туркия парламенти, ҳукумати, кенг жамоатчилиги, ишбилармон доиралари ва санъат арбоблари иштирокида тантанали тарзда ўтказилиши режалаштирилган.

Ҳар йили бир марта бериладиган ушбу халқро мукофот хайъатининг қарори Ўзбекистон раҳбарининг "мамлакатнинг ташқи дунё, Туркия ва Марказий Осиё давлатлари билан сиёсий ва иқтисодий алоқаларини изчил мустаҳкамлашдаги беқиёс хизматлари ва амалий ҳиссаси, шунингдек, Туркий кенгашдаги ҳамкорликни сезиларли даражада жонлантиргани, ушбу ташкилот доирасидаги янги ташаббуслар, шу жумладан 2020 йилда Хива шаҳрини "турк дунёсининг маданий пойтахти" деб эълон қилиш бўйича ташаббуси" учун бир овоздан қабул қилингани маълум қилинди.

Матбуот анжуманида сўзга чиққанлар Ўзбекистонда Президент Шавкат Мирзиёев раҳнамолигида ҳаётнинг барча жабҳаларида амалга оширилаётган туб ўзгаришларга юқори баҳо берди. Мамлакат раҳбарининг изчил ислохотларни ўтказишдаги кенг қўламли фаолияти, самарали ишлари, Туркий дунёнинг муҳим давлати бўлган Ўзбекистоннинг жадал тараққийоти таъминлаётган стратегик курс, нафақат Ўзбекистон, балки Марказий Осиёнинг янада ривожланиши учун қўлай ички ва ташқи шароитлар яратилаётгани таъкидланди.

ТУРКСАВ раҳбари Яҳё Энгин йиғилганлар номидан Ўзбекистон раҳбарига "унинг Ўзбекистон, Марказий Осиё, Туркия ва умуман Туркий дунё олдидаги беқиёс ва тарихий хизматларининг камтарона, бироқ самимий эътирофи муносабати билан чуқур ҳурмат ва самимий табриклар" йўллади.

"Туркий дунё ривожига қўшган улкан ҳиссаси учун" ва "Туркий дунё тикланишига қўшган улкан ҳиссаси учун" халқро мукофотлари Туркий дунё ёзувчилари, зиёлилари ва санъаткорлари жамғармаси ташаббуси билан таъсис этилган.

ТУРКСАВ 1996 йил Туркиянинг бир гуруҳ зиёлилари ташаббуси билан ташкил этилган жамоатчилик асосидаги нодавлат ташкилотдир. Замонамизнинг таниқли ёзувчиси Чингиз Айтматов ТУРКСАВнинг фахрий раиси этиб сайланган эди. Бугунги кунда ТУРКСАВ бошқарув кенгашига турк шоири Яҳё Энгин раислик қилмоқда.

ТУРКСАВ халқро мукофотининг асосий мақсади туркий дунёнинг атоқли арбоблари фаолияти натижаларига жамоатчилик эътиборини жалб қилиш, уларнинг туркий тилли ҳудудни мустаҳкамлаш ва ривожлантиришга қўшаётган ҳиссасига ҳурмат билдириш ва эҳтиром келтиришга қаратилган.

Мукофотга турли йилларда Туркия Президенти С.Демиррел, Озарбайжон Президенти Ҳ.Алиев, Қозғистон Президенти Н.Назарбоев, ТУРКСОЙ бош қотиби Д.Касинов ва бошқалар сазовор бўлган. Улар орасида туркий дунё мамлакатларининг фаол парламентарийлари, тadbirkorлари ва санъаткорлари ҳам бор.

"Дунё" АА, Анкара

ЯНГИ ЎЗБЕКИСТОНДАГИ ЯНГИ САЙЛОВЛАР ЯНГИ ХАЛҚИМИЗ ТУРМУШИ ФАРОВОНЛИГИГА ХИЗМАТ ҚИЛАДИ

2019 йил 22 декабрь куни Ўзбекистон Республикаси Олий Мажлиси Қонунчилик палатаси, халқ депутатлари вилоят, туман ва шаҳар Кенгашлари сайловлар бўлиб ўтди.



"Янги Ўзбекистон – янги сайловлар" широри остида ўтган сайловда Олий Мажлиси Қонунчилик палатасидаги 150 депутатлик ўрни учун бешта сиёсий партиянинг 744 номзоди кураш олиб борди.

Сўнгги йилларда мамлакатимиз ички ва ташқи сиёсатида амалга оширилаётган туб ислохотлар натижасида Ўзбекистонимиз ўз тараққийотининг янги, демократик босқичига дадил қадам қўйди. Иқтисодимиз ривожланиб, одамларимизнинг сиёсий-ҳуқуқий онги, фаоллиги тобора юксалиб бормоқда. Давлат ва жамият ҳаётининг барча жабҳаларида очиқлик ва ошқоралик давлат сиёсатининг устувор йўналишларидан бирига айланди.

Сайловлар мамлакатимизни ривожлантиришнинг бешта муҳим устувор йўналиши бўйича Ҳаракатлар стратегиясида белгилаб берилган вазифаларнинг амалдаги яна бир ёрқин ифодаси бўлди.

Ушбу сайловлар Ўзбекистонда барча соҳаларда, жумладан, сиёсий-ҳуқуқий, ижтимоий, иқтисодий, маънавий-маърифий йўналишларда амалга оширилаётган кенг қўламли, жадал ислохотларнинг узвий қисмидир. Бу йилги сайловларга тайёргарлик ишлари бундан икки йил аввал бошланган эди. Сайлов қонунчилиги тубдан янгиланиб, миллий таъриб ва халқро стандартларга мос Сайлов кодекси қабул қилинди.

Сайлов кодексига сайлов жараёни иштирокчилари, яъни сайловчилар, сиёсий партиялар, сайлов комиссиялари, оммавий ахборот воситалари ҳамда қўзғатувчиларнинг ҳуқуқлари ва қарорларига кенгайтирилди. Замонавий ахборот технологияларини жорий этиш орқали сайлов жараёнларини бошқариш тизими йўлга қўйилди. Сайловга тайёргарлик қўриш ва уни ўтказишнинг барча босқичлари очиқлик, ошқоралик ва шаффофлик асосида ўтказилди.

Сайловларни нуфузли халқро ташкилотлар, жумладан, Европа Кенгаши, Европада хавфсизлик ва ҳамкорлик ташкилотининг Парламент Ассамблеяси, Европада хавфсизлик ва ҳамкорлик ташкилотининг Демократик институтлар ва инсон ҳуқуқлари бўйича бюроси, Мустақил Давлатлар Ҳамдўстлиги, Шанхай ҳамкорлик ташкилоти, Бутунжаҳон сайлов Органлари ассоциацияси, Туркий тили давлатлар кенгаши каби ўнла халқро ташкилотлар ҳамда элликка яқин давлатлардан 825 нафар халқро қўзғатувчи ҳамда маҳаллий ва хоржий мамлакатлар йирик оммавий ахборот воситаларининг 1 минг 155 нафар вакиллари бевосита қўзғатиб борди.

Қўп миллионли сайловчилар, сайловларга ташриф буюрган халқро қўзғатувчилар ушбу сайловлар, аввало, Ўзбекистон Республикаси Конституцияси ва янги Сайлов кодекси ҳамда халқро стандартларга тўлиқ риоя қилган ҳолда ўтганлигини эътироф этмоқда.

Сайловларнинг ўзига хос жиҳатларидан яна бири сайловчиларнинг фуқаролик маънавияти, мамлакатимизда амалга оширилаётган туб ислохотларга дахлдорлик туйғуси янада ошганлиги билан боғлиқ. Бу йилги сайловларда чет элдаги юрtdошларимиз билан қўшиб ҳисоблаганда 13 миллион 963 минг 627 сайловчи иштирок этди ва бу сайловчилар умумий сонининг 67,8 фоизини ташкил этди.

150 минг сайловчи муддатидан олдин овоз бериш имкониятидан фойдаланди. Сайловларда хоржида истиқомат қилаётган барча ватандошларимиз учун биринчи марта овоз бериш имконияти яратилди. Авваллари фақат консуллик ваколатхоналаридан расман рўйхатдан ўтган Ўзбекистон фуқароларига сайловларда қатнашар эди. Қирққа яқин мамлакатда ташкил этилган эллик бешта сайлов участкасида 112 минг 411 сайловчи овоз берди.

2019 йил 25 декабрь куни Марказий сайлов комиссияси томонидан 125 сайлов округидан номзодлар Қонунчилик палатаси депутатлигига сайланган деб топилди, рўйхатга олинди. Tadbirkorлар ва ишбилармонлар ҳаракати – Ўзбекистон Либерал-демократик партиясидан 42 нафар, Ўзбекистон "Миллий тикланиш" демократик партиясидан 34 нафар, Ўзбекистон "Адолат" социал-демократик партиясидан 20 нафар, Ўзбекистон Халқ демократик партиясидан 18 нафар, Ўзбекистон Экологик партиясидан 11 нафар депутат Олий Мажлиси Қонунчилик палатаси депутати мақоми берилди.

Марказий сайлов комиссиясининг 2019 йил 25 декабрдаги "Ўзбекистон Республикаси Олий Мажлиси Қонунчилик палатасига депутатлар сайлови бўйича айрим сайлов округларида такрорий овоз беришни ўтказиш тўғрисида"ги қарорига мувофиқ эса Ўзбекистон Республикаси Олий Мажлиси Қонунчилик палатасига сайлов ўтказувчи 25 сайлов округида биринчи турда қўзғатувчи аниқланганлиги учун, яъни бирорта ҳам номзод сайловчиларнинг 50 фоизидан кўп овозини олмаганлиги сабабли ушбу сайлов округларида овоз беришда иштирок этган сайловчиларнинг энг кўп овозларини олган номзодлар ўртасида такрорий овоз беришни ўтказиш 2020 йил 5 январь кунига белгиланди.

(Давоми 2-бетда)

(Давоми 2-бетда)

ЯНГИЛАНАЁТГАН ЎЗБЕКИСТОН ИСТИҚБОЛЛИ КАДРЛАРНИ ЧОРЛАЙДИ

Ўзбекистон Республикаси Президенти ҳузуридаги Давлат бошқаруви академиясида "Умид" жамғармаси битирувчиларининг "Янгиланаётган Ўзбекистон учун янги авлод кадрлари" мавзусида биринчи халқро конференцияси бўлиб ўтди.

"Эл-юрт умиди" жамғармаси томонидан ташкил этилган анжуманда АҚШ, Буюк Британия, Германия, Канада, Япония, Австралия, Жанубий Корея каби 18 давлатдан келган ҳамда мамлакатимизда фаолият юритаётган 300 дан зиёд "Умид" жамғармаси битирувчилари иштирок этди.

Икки кун давом этган конференцияда мамлакатимизда вазирилик ва идораларида маъсۇл лавозимларда хизмат қилаётган, хоржий мамлакатларда ишлаётган ватандошлар Президентимиз Шавкат Мирзиёев раҳбарлигида олиб борилаётган кенг қўламли ислохотлар натижаларини таҳлил қилди, истиқболдаги режаларнинг самарали ижроси юзасидан экспертлар фикрлари ўрганилди, жамиятнинг янада демократлаштириш, давлат бошқарувини модернизация қилиш, бозор иқтисодиёти тамойилларига асосланган ислохотларни қўллаб-қувватлаш масалалари муҳокама қилинди. Анжуманда меҳмонларга "Янгиланаётган Ўзбекистон – бугунги ораулар, режалар ва эртанги истиқболлар" мавзусидаги

видеоролик орқали мамлакатимизда рив жараёнда чуқур ва изчил ўзгаришлар, мавжуд имкониятлар, яратилаётган шароитлар ҳақида маълумот берилди.

Конференция ялпи мажлисида "Умид" жамғармаси битирувчилари, бугунги кунда вазириликларда раҳбарлик лавозимида фаолият юритаётган мутахассисларнинг маърузалари тингланди. Ушбу маърузалар асосида ташкил этилган шўба йиғилишларида мамлакатимиз тараққиёти учун долзарб масалалар Ватанимиз тақдирига бефарқ бўлмаган истеъдодли, малакали мутахассислар томонидан мунозара, савол-жавоб шаклида қизгин муҳокама қилинди. Бунда асосий эътибор мамлакатнинг демократик янгиланш ва модернизация қилиш, таълим соҳасини ривожлантириш, инвестиция муҳитини яхшилаш, мамлакатнинг инновацион ривожланиш стратегияси ва унинг афзалликлари, қишлоқ ҳўжалигига илгор технологияларни жорий этиш сингари истиқболли йўналишларга қаратилди. – АҚШнинг Миссури штатида 1999-

2001 йиллари ижтимоий йўналишлар бўйича магистратура босқичида тахсил олдим, – дейди Ўзбекистоннинг Туркманистондаги Фавқулодда ва мухтор элчиси Акмалжон Қўчқоров. – Ўзбекистонга қайтганимдан кейин Ташқи ишлар вазириликда иш бошладим. Ўтган давр мобайнида шу тизимда ишлаб, элчи даражасига чўғатилишга муваффақ бўлдим. Афсуски, ўтган йилларда собиқ "Умид" жамғармаси битирувчиларини қўллаб-қувватлашга тизимли ёндашилмади. Шу боис, чет элда ўқиган йиғит-қизларнинг қўчилиги Ўзбекистонда тайинли иш тополмасдан яна хоржга чиқиб кетишга мажбур бўлди.

Кейинги йилларда Президентимиз томонидан таълим соҳасини тубдан ривожлантириш, малакали кадрлар тайёрлаш масаласига жиддий эътибор қаратилди. "Эл-юрт умиди" жамғармаси фаолияти янги шакл ва мазмунда қайта тиклангани бунинг исботи.

(Давоми 2-бетда)



"THE TELEGRAPH" ТОШКЕНТНИ 2020 ЙИЛДА ТАШРИФ БУЮРИЛИШИ ШАРТ БЎЛГАН ШАҲАРЛАР РЎЙХАТИГА КИРИТДИ

Буюк Британиянинг "The Telegraph" нашрида 2020 йилда ташриф буюрилиши шарт бўлган шаҳарлар рўйхати эълон қилинди. Ундан пойтахтимиз Тошкент шаҳри ҳам ўрин олган.

"Виза билан боғлиқ қийинчиликлар йиллар давомида Ўзбекистонга ташриф буюрувчи меҳмонларни чўчитиби келган, аммо сўнгги йилларда амалга оширилган ислохотлар бу бетакорор мамлакатни кашф этишни жуда осонлаштирди... Пойтахт Тошкентда диққатга сазовор меъморий иншоотлар жуда кўп", дейилади "The Telegraph"даги мақолада.

Шунингдек, материалда Тошкент мероси ҳақида ҳам алоҳида сўз юритилган. "Метро станциялари – Ўрта Осиёда мавжуд иккита метро тизимидан бири. Улар пештоқларидан тортиб, шифтларигача пухта ўйланган санъат билан бойитилган" дейилади нашрда.



МАМЛАКАТИМИЗДА

● Самарқандда Ўзбекистон Республикаси Куролли Кучлари ташкил этилганнинг 28 йиллиги ҳамда Ватан химоячилари куни муносабати билан "Аскар оналарини шарафлаймиз!" номли маданий-маърифий тадбир ўтказилди. Марказий ҳарбий округ ташаббуси билан ташкил этилган тадбирга юртимизнинг турли ҳудудларида хизмат бурчини ўтаётган самарқандлик аскарларнинг оналари тақлиф этилди.

● Қўқонда Ўзбекистоннинг улкан байроғи ўрнатилди. Байрам тадбири доирасида тантанали равишда

шаҳардаги бир қатор умумтаълим мактабларининг янгиланган спорт майдончалари очилиш маросими ҳам бўлиб ўтган. Ижтимоий лойиҳанинг ташаббускори – Ўзбекистон Тринатлон Федерацияси. Очиқ спорт майдончаси ташкил этилган дастлабки ўқув муассасаларидан бири – 18-сонли ўрта мактаб. Бу ерда 1200 га яқин ўқувчи тахсил олади, уларнинг 200 га яқини Меҳрибонлик уйлари тарбияланувчиларидир. 26-мактабда ҳам бундай спорт майдончаси очилган.

● Гиждувон дехқон бозори замонавийлаштирилди. Буткул қайтадан бунёд қилинган дехқон бозори гиждувонликлар учун ўзига хос янги йил совғаси бўлди. Туман марказидаги янги бозор барча талабларга тўла жавоб беради. Янги дехқон бозорини тўлиқ реконструкция қилиш ва замонавий қўринишга келтириш Ўзбекистон Республикаси Президентининг 2017 йил 27 мартдаги "2017-2019-йиллар даврида дехқон бозорларини реконструкция қилиш ва уларнинг ҳудудда замонавий савдо мажмуалари қуриш дастурини тасдиқлаш тўғрисида"ги қарори асосида амалга оширилди.



● Хитойда пандани ўлдирган 10 киши қамоққа олинди. Ўтказилган рейд давомида хайвоннинг териси ва унинг 9,75 кг гўштини топширган. Полициянинг хабарига кўра панда Жаотонг шаҳрида яшовчи ака-ука томонидан отиб ўлдирилган. Қамоққа олинганлар ичиде 2 та оғир ва панда гўштини сотиб олган одам ҳам бор. Хитойда пандани ўлдирган одамга 10 йил қамоқ жазоси, қийнаш ҳолатлари аниқланса бир умрлик қамоқ ёки ўлим жазоси берилди.

● Америкалик астронавт Кристина Кох аёллар орасида космик парвозларнинг давомийлиги бўйича рекорд натижани қайд этди. Кох Халқро кoinот станциясида жорий йилнинг 14 мартидан бери қолмоқда. 28 декабрь, шанба куни унинг ХКСдаги парвозига 289 кун бўлган. Шу тариха америкалик фазогир ҳамкасби Пегги Уитсоннинг рекордини янгиланган. Уитсон ўз вақтида орбитада 288 кун бўлган.

ЯНГИЛАНАЁТГАН ЎЗБЕКИСТОН ИСТИҚБОЛЛИ КАДРЛАРНИ ЧОРЛАЙДИ

(Давоми. Боши 1-бетда)

Бу жараёнда нафақат етук мутахассислар тайёрлаш, балки дунёнинг етакчи олий ўқув юр்தларида тахсил олиб, ҳозир чет элда ишлаётган, юрагида Ватанга садоқат туйғуси жўш урган инсонларни юртимизга қайтариш ҳам устувор вазифалардан бирига айланди. Шу маънода, мазкур халқаро конференциянинг ўтказилиши оламшумул воқеадир.

Анжуманда иштирок этиш учун дунёнинг турли давлатларидан келган юр்தдошларимиз Ўзбекистонда вазир ёки бошқа кўплаб юқори лавозимларда хизмат қилаётган "Умид" жамғармаси битирувчилари билан кўришди ва уларнинг аксариятида мамлакатимизда рўй бераётган ўзгаришларга дахлдорлик туйғуси, юрт равнақиға қаратилган ишларға хисса қўиши иштиёқи ортди.

Конференциянинг иккинчи куни Тошкент вилояти Бўстонлиқ туманидаги "Лайнер" оромгоҳида давом этди. Бешта шубба мажлисида мамлакатимизда инвестиция, адлия, инновация, таълим ва кишлққ хўжалиги соҳаларида ривожланишни таъминлаш масалалари муҳокама этилди. Мунозара, муҳокама ва савол-жавоблар ягона - Ўзбекистонни янада ривожлантириш, халқимиз фаровонлигини ошириш, турмуш шароитини яхшилашға хисса қўишидек эзгу мақсадларға қаратилди.

100 нафарға яқин иштирокчи қатнашган инвестиция шуббаси йиғилишида "Эл-юрт умиди" жамғармаси директори вазифасини бажарувчи Аҳдам Бекмуродов Ўзбекистон билми ёшларининг янгиға, илғор фикр ва гоъяларини қўллаб-қувватлашға тайёр эканини қайд этди. Шу боис, собиқ "Умид" жамғармаси битирувчиларининг тақлиф ва тавсияларига алоҳида эътибор қаратилишини таъкидлади.

Инновацион ривожланиш вазири Иброҳим Абдурахмонов, халқ таълими вазири Шерзод Шерматов, кишлққ хўжалиги вазири Жамшид Хўжаевлар раислигидаги секция йиғилишлари ҳам расмийликдан холи, кизгин кечди. Қатнашчилар орасида Буюк Британия, АҚШ, Германия каби ривожланган давлатларда тахсил олган, айна пайтда хоризда истиқомат қилаётган юр்தдошларимиз фаоллиги сезилиб турди. Мамлакатимизда рўй бераётган ижобий ўзгаришларға дахлдорлик хиссини туя бошлаган ватандошларимиз томонидан аниқ тақлиф ва тавсиялар, жойи келганда эътирозли фикрлар янгради.

Масалан, мамлакатимизда олий ўқув юр்தлари ўртасида рақобатни қучайтириш зарурлиги, олий таълим тизимида интеграция жараёнини ривожлантириш, яъни ўқиш, малака ошириш ва касбий фаолиятни шакллантириш ўртасидаги уйғунликка эришиш, кадрларни тўғри йўналтириш, кишлққ хўжалигиға замонавий технологияларни жорий этиш орқали юқори ҳосилдорликка эришиш каби долзарб масалалар ечимига қаратилган фикрлар кўпчиликда қизиқши уйғотди.

Конференцияда кишлққ хўжалигини ривожлантириш бўйича ўз тақлифларини тақдим этдим, - дейди Россиянинг "Caravan Garden" компанияси бош менежери Жамшид Абдуллаев. - Компаниямиз Бирлашган Араб Амирликларида кишлққ хўжалиги маҳсулотлари экспорт қилади. Энди бевосита Ўзбекистоннинг сархил мева-сабзавотларини тўғридан-тўғри экспорт қилишни режалаштиряпмиз. Шунингдек, экспорт жараёнида юзаға келадиган муаммоларни бартараф этиш, соҳа бўйича ахборот алмашиш, уруғчилик, фермер хўжаликлари учун янги нав қўчатлар олиб келиш, кластерларни ривожлантириш каби йўналишларда ҳамкорликни йўлга қўишға келишиб олдик.

Конференция иштирокчилари томонидан яқдил таъкидланганидек, табиий, иқтисодий, тарихий ва маданий жиҳатдан юксак салоҳиятға эға Ўзбекистон инсон ресурсиға жуда бой. Айна салоҳият "Умид" жамғармаси битирувчиларига ҳам бевосита тааллуқли. Шу маънода, анжумандан кўзланган асосий мақсад - "Янгиланаётган Ўзбекистон учун янги авлод кадрлари" халқаро конференцияси билими, навирон, айна кўчға тўлган авлод вакиллари ўртасида доимий алоқа ўрнатиш учун ўзига хос платформа яратишға эришилди.

Файрат ХОННАЗАРОВ

Ўзбекистон Республикаси Қурилиш вазирлиги ташаббуси билан туркиялик экспертлар иштирокида "Арзон, энергия тежамкор кўп қаватли уйларни қуриш" мавзуйига бағишланган маҳорат сабоқлари ўтказилди.

Унда мамлакатимиздаги қурувчи пудратчи ташиллотлар вакиллариға туркиялик экспертлар ўз тажрибалари ҳақида тақдимотлар ўтказишди. Таъкидлаш зарурики, Туркиянинг мазкур компаниялари Тошкент шаҳри ва Самарқанд вилоятида мана шундай уй-жойларни қуришди. Бу жараёнға Туркиядан энг сўнгги русумдаги замонавий технологиялар олиб қилинган.

Президентимизнинг ташаббуси билан арзон, энергия тежамкор бўлган кўп қаватли уй-жойларни қуришға алоҳида эътибор қаратилмоқда, - дейди Ўзбекистон Республикаси Қурилиш вазирлигининг биринчи ўринбосари Шерзод Хидоятлов. - Соҳаға оид қонунчилик асослари мунтазам бойитиб бориляпти. Бунға куни кеча имзоланган уй-жойлар олиш учун бериладиган ипотека кредити хусусидаги қарорни мисол келтириш мумкин. Тадбирға Тошкент шаҳри ва барча вилоятлардан салоҳиятли пудрат ташиллотлари мутахассислари тақлиф қилинди. Унда Туркиянинг Меса компанияси экспертлари тунел қолипни, монолитли уйлар қуриш бўйича ўз тажрибалари билан ўртоқлашди. Ҳозир бутун дунёда энергия тежамкор уйларни арзон нарх ва тез фурсатда қуришға бўлган талаб кескин даражада ортиб бормоқда. Бунинг учун аввало соҳа мутахассисларидан илғор инновацион технологияларни ўзлаштириш талаб этилади. Зеро, бунда алоҳида аҳамиятли бўлган жиҳатлар мавжуд. Масалан, қайси турдаги қурилиш материалларидан фойдаланиш ва уларни қандай қўллаш жуда муҳим. Ўтказилган тақдимотда эса шуларнинг барчаси камраб олинди. Бугунги кунда юр்தдошларимиз уй-жой харид қилаётганда хонадоннинг нархи, унинг квадрата мет-

ри қанчалигиға эътибор қаратишяпти. Бизнинг мақсадимиз эса замонавий уй-жойларни энергия тежамкорлик даражасиға қараб таснифлашдан иборат. Қўпинча маиший техникаларда А, В, С, D тоифадаги энергия тежамкорлик хусусидаги ёрлиқлар бўлади. Эндиликда қуриб битказилган уй-жойлар аудитдан ўтказилгандан сўнг унинг сертификатиди ай-

40 фоизгача энергия тежамкорлигиға эришилади. Ҳозирги кунда бу борадаги стандартларни ишлаб чиқаяпмиз. Тоифалар тўрттаға бўлинади. Улар А, В, С, D даражалари бўлиб, бунда энг паст кўрсаткич D тоифа ҳисобланади. Агар қурилган бино шу тоифа талабларига ҳам жавоб бера олмаса, унда сифат сертификати берилмайди. Аҳамиятисини, бу турдаги уй-жойларни қуриш нисбатан арзонға ҳам тушади. Чунки унинг қурилишида асосан миллий маҳсулотларимиздан фойдаланилади. Қандай натижаға эришилиши ҳақида гапирсам, биринчидан сифат яхшилана-

АҲОЛИ ТУРМУШИ ФАРОВОНЛИГИНИ ТАЪМИНЛАШ ЙЎЛИДА

ди. Эндиликда қурувчи тадбиркорларимиз е-ijro.auktion.dan бўш ёрни сотиб олиб, унда жозибдор лойиҳани ишлаб чиқиш билан чекланмай, қурилиш жараёниға ҳам алоҳида масъулият билан ёндашилади. Акс ҳолда уй-жой биноси учун тегишли сертификатни ололмай қолушлари мумкин. Бу эса ўз навбатида қурувчи ташиллотлар ўртасидаги соғлом рақобатни шакллантиради. Рақобат ривожланган муҳитда эса сифат яхшиланиб, нархлар муқобиллашиши барчаға маълум. Шу ўринда, юр்தдошларимизда бу турдаги уйлар янада қимматроқ нархда бўладими, деган савол туғилиши мумкин. Йўқ, асло ундай эмас, монолитли уйларни қуриш нисбатан арзонға тушади. Бунда таъкидлаганимдек, асосий хом ашё базалтирди. Қурилиш жараёни тезроқ, хом ашё сарфи камроқ, сифат эса юқори даражада бўлади. Солиштириб айтсак, Сергели, Олмазор ва Чи-

лонзор туманларида кўп қаватли кўплаб турар жойлар қурилди. Солиштириганимизда эса тақлиф этилаётган уйлар гиштиларида анча арзонға тушмоқда. Бундан ташқари, ҳозирда тегишли янги стандартларни жорий этдик ва улар Самарқанд вилояти ва Тошкент шаҳрида амалиётға татбиқ этилди. Авваллари 18 қаватгача бўлган биноларға фақат электр-энергия учун рўхсат берилар эди. Бунда хавфсизлик нормалари асосий мезон ҳисобланарди. Ҳозир эса илм-фан тарақиёти ва халқаро тажрибани ўрганган ҳолда янги технологияларни ўзимизда ҳам жорий этмоқдамиз. Бунда мутахассисларимизнинг хориз тажрибасини бориб мунтазам ўрганиб келишяётганини алоҳида таъкидлаш ўринли. Натижада янги меъёрлар ишлаб чиқилди ва ҳозирги кунда 18 қаватгача бўлган уй-жойлар учун газ уланishiға рўхсат берилди. Айтганимдек, бу турдаги уйларни қуриш нисбатан арзонға тушади. Тўғри, аввалиға замонавий техника ва услублардан фойдаланиш учун хорижий мутахассисларға эҳтиёж сезилади. Кейинчалик эса етарлича малакаға эға бўлган ўзимизнинг қурувчиларимиз мана шундай қолипни уйларнинг икки кунда бир қаватини қуриб битказишлари мумкин бўлади. Бу уйлар қолипда бўлгани учун жуда ҳам силлиқ, текис чиқди ва табиийки қўнглини хира қилувчи гализликлар учрамайди. Кейин сувоқ ва шунға ўхшаш ички пардозлаш ишларига вақт ва хом ашё кам миқдорда талаб этилади. Бир сўз билан айтганда, бу янгилик қурилишда ҳар томонлама қулай ва муқобил услубдир. Тақдимотда илғор инновацион технологияларни қўллаш орқали арзон нархда, энергия тежамкор уй-жойларни қуриш бўйича кенг маълумотлар берилди. Пудратчи ташиллотлар вакиллари эса келгуси фаолиятларида асқотадиган кўплаб тавсияларға эға бўлишди.

Нурилло НАСРИЕВ, Ўза мухбири

Зиёда РАСУЛОВА

Ўзбекистон Республикаси Марказий сайлов комиссиясининг 2020 йил 6 январдаги 1017-сон қарорига илова

Ўзбекистон Республикаси Олий Мажлисининг Қонунчилик палатасига Тошкент шаҳридаги сайлов округларидан 2020 йил 5 январда бўлиб ўтган такрорий овоз бериш натижасида сайланган депутатлар РЎЙХАТИ

Table with 6 columns: №, Сайлов округининг номи, Фамилияси, исми, отасининг исми, Тутилган йили ва жойи, Депутатнинг номзодини кўрсатган сиёсий партиянинг номи, Иш жойи, лавозими

ЯНГИ ЎЗБЕКИСТОНДАГИ ЯНГИ САЙЛОВЛАР ХАЛҚИМИЗ ТУРМУШИ ФАРОВОНЛИГИГА ХИЗМАТ ҚИЛАДИ

(Давоми. Боши 1-бетда)

Мазкур қарорға мувофиқ, жорий йилнинг 5 январида мамлакатимизда ташкил этилган Ўзбекистон Республикаси Олий Мажлиси Қонунчилик палатасиға сайлов ўтказувчи 25 сайлов округидаги 1 минг 730 сайлов участкасида такрорий овоз бериш ўтказилди. Ушбу сайлов участкаларида 3 миллион 147 минг 79 фуқаро Сайловчиларнинг ягона электрон рўйхатиға киритилган бўлиб, улардан 1 миллион 978 минг 48 нафари такрорий овоз беришда иштирок этди.

Сайловчиларнинг парламент сайловларида фаол иштирок этгани фуқароларимизнинг сиёсий-ҳуқуқий маданияти юксалиб, янгиланаётган Ўзбекистонда янгидан шакллантирилаётган парламент сайловлариға бефарқ асноликларини ҳамда мамлакатда амалға оширилаётган кенг қамровли, одилона ва инсонпарвар сиёсатни қўллаб-қувватлашларининг яна бир исботи бўлди.

Шунингдек, халқ депутатлари вилоят Кенгашлариға сайлов ўтказувчи 95 сайлов округидаги 1 минг 104 сайлов участкасида ҳамда халқ депутатлари туман ва шаҳар Кенгашлариға сайлов ўтказувчи 587 сайлов округидаги 1 минг 117 сайлов участкасида такрорий овоз бериш бўлиб ўтди. Сайлов кодексининг 59-моддасиға асосан такрорий овоз беришда иштирок этган сайловчилар овозини бошқа номзодға нисбатан кўпроқ олган номзод сайланган деб ҳисобланади. Такрорий овоз беришда сайловчиларнинг иштирок этиши фоизи ҳисобға олинмайди.

Такрорий овоз бериш жараёнини депутатликка номзодлар кўрсатган сиёсий партиялардан ҳамда фуқароларнинг ўзини ўзи бошқариш органларидан жами беш мингдан ортук қузатувчилар қузатиб борди. Шунингдек, Ўзбекистон Республикаси Марказий сайлов комиссияси томонидан аккредитациядан ўтказилган мамлакатимиз ва хорижий оммавий ахборот воситаларининг вакиллари ҳамда ҳудудий сайлов комиссияларидан аккредитациядан ўтган маҳаллий журналистлар сайловлар жараёнини фаол ёритиб бордилар.

Такрорий овоз беришда иштирок этган 50 номзоднинг 15 нафарини Тадбиркорлар ва ишбилармонлар ҳаракати - Ўзбекистон Либерал-демократик партияси вакиллари, 11 нафарини Ўзбекистон "Миллий тикланиш" демократик партияси вакиллари, 10 нафарини Ўзбекистон "Адолат" социал-демократик партияси вакиллари, 9 нафарини Ўзбекистон Халқ демократик партияси вакиллари ҳамда 5 нафарини Ўзбекистон Экологик партияси вакиллари, уларнинг 18 нафарини хотин-қизлар ташкил этди.

Сайловнинг яқиний натижалариға кўра, Олий Мажлис Қонунчилик палатасида Тадбиркорлар ва ишбилармонлар ҳаракати - Ўзбекистон Либерал-демократик партияси 53, Ўзбекистон "Миллий тикланиш" демократик партияси 36, Ўзбекистон "Адолат" социал-демократик партияси 24, Ўзбекистон Халқ демократик партияси 22, Ўзбекистон Экологик партияси 15 депутатлик ўрниға эға бўлди.

Ўзбекистон Республикаси Қонунчилик палатасиға сайланган 150 депутатнинг 48 нафари ёки 32 фоизини хотин-қизлар, 39 нафарини ёки 26 фоизини олдин ҳам Қонунчилик палатаси депутати бўлганлар ташкил этади. Депутатларнинг 9 нафари ёки 6 фоизи 30 ёшгача, 97 нафари ёки 65 фоизи 30 ёшдан 50 ёшгача бўлганлар ҳамда 44 нафари ёки 29 фоизи 50 ёшдан катта ёшдагилар. Энг ёш депутат 26 ёшда. Энг ёши улуг депутат 71 ёшда.

Ўзбек миллатиға мансуб депутатлар 130 нафар ёки 87 фоиз, бошқа миллат вакиллари 20 нафар ёки 13 фоизни ташкил қилади. Улардан қоракалпоқ ва рус миллатиға мансублар 5 нафардан, қозоқ ва тожик миллатиға мансублар 3 нафардан, корейс миллатиға мансублар 2 нафарини ҳамда 1 нафардан туркман ва қирғиз миллатиға мансуб депутатлар ҳисобланади.

2019 йил 10 декабрь куни янги тахрирда қабул қилинган "Ўзбекистон Республикаси Вазирлар Маҳкамаси тўғрисида"ги Ўзбекистон Республикаси қонунининг 6-моддасида Бош вазир номзоди Ўзбекистон Республикаси Олий Мажлисининг Қонунчилик палатасиға сайловда энг кўп депутатлик ўринларини олган сиёсий партия ёки тенг миқдордаги энг кўп депутатлик ўринларини кўлга киритган бир неча сиёсий партия томонидан тақлиф этилиши белгиланган. Ушбу қонунға мувофиқ, Тадбиркорлар ва ишбилармонлар ҳаракати - Ўзбекистон Либерал-демократик партияси Бош вазир номзодини кўрсатиш ҳуқуқиға эға бўлди.

Сайлов кодексига мувофиқ, Марказий сайлов комиссияси округ сайлов комиссияларидан олинган баённомалар асосида Қонунчилик палатасиға сайланган депутатларни рўйхатта олади.

Депутат этиб сайланган шахслар Марказий сайлов комиссияси томонидан рўйхатта олинган пайтдан эътиборан Қонунчилик палатаси депутати тақлиф қилинади. Қонунчилик палатаси депутати этиб сайланган шахслар Марказий сайлов комиссиясиға Қонунчилик палатаси депутатининг мақомиға тўғри келмайдиган вазифаларни ўз зиммасидан соқит қилганлиги тўғрисида ёзма шаклда маълум қилиши шарт. Қонунчилик палатаси депутатларига Марказий сайлов комиссияси томонидан ўн кун ичида гувоҳнома ва кўкрак нишонни берилади.

Шунингдек, халқ депутатлари вилоят, туман ва шаҳар Кенгаши депутатининг гувоҳномаси ва кўкрак нишонни тўғрисида номунавий низом тасдиқланди.

Депутат гувоҳнома ва кўкрак нишонидан ўз ваколатлари мuddати мобайнида фойдаланади. Депутат ўз ваколатларини амалға ошираётганда гувоҳномасини кўрсатиб, тегишли вилоят, туман ва шаҳар ҳудудида жойлашган қорхоналар, муассасалар ва ташкилотларға монеликсиз кириш ҳуқуқидан, шунингдек, уларнинг раҳбарлари ҳамда бошқа мансабдор шахслари томонидан дарҳол қабул қилиниш ҳуқуқидан фойдаланади.

Халқ депутатлари Шайхонтоҳур тумани Кенгаши ҚАРОРИ

ШАЙХОНТОҲУР ТУМАНИНИНГ 2020 ЙИЛ УЧУН МАҲАЛЛИЙ БЮДЖЕТИНИ ТАСДИҚЛАШ ТЎҒРИСИДА

Ўзбекистон Республикасининг "2020 йил учун Ўзбекистон Республикасининг Давлат бюджети тўғрисида"ги Қонунига (кейинги ўринларда Қонун деб аталади) мувофиқ, 2020 йилда Халқ депутатлари Кенгашларини маҳаллий бюджетларни бошқаришда, хусусан маҳаллий бюджет ҳаракатларини худудий бюджет маблағлари тақсимловчилар кесимида тасдиқлаш ва уларнинг Кенгаши олдидаги ҳисобдорлигини белгилаш бўйича ваколатлари кенгайтирилди.

Қонуннинг 18-моддасиға асосан 2020 йил учун Шайхонтоҳур тумани маҳаллий бюджетини қабул қилиш бўйича Халқ депутатлари Шайхонтоҳур тумани Кенгаши

ҚАРОР ҚИЛАДИ:

1. Халқ депутатлари Тошкент шаҳар Кенгашининг 2019 йил 13 декабрдаги "2020 йил учун Тошкент шаҳар маҳаллий бюджетини тасдиқлаш тўғрисида"ги 521/63-5-сонли қарори (кейинги ўринларда Қарор деб аталади) маълумот учун қабул қилинсин.

2. Қонунға асосан 2020 йилда: а) Қуйидаги солиқ турлари Шайхонтоҳур туман маҳаллий бюджетиға тўлиқлигиға ўтказиб берилади: жисмоний шахслардан олиннадиган мол-мулк солиғи; жисмоний шахслардан олиннадиган ер солиғи; жисмоний шахсларнинг мол-мулкларини ижараға беришдан оладиган йиллик даромадлари бўйича декларацияға асосан ҳамда яққа тартибдаги тадбиркорлар томонидан туланидиган даромад солиғи; сув ресурсларидан фойдаланганлик учун солиқ, бундан электр станциялари томонидан туланидиган солиқ мустасно.

б) Қуйидаги солиқ турлари ва бошқа мажбурий тўловлар Тошкент шаҳар ва Шайхонтоҳур туман маҳаллий бюджетлари ўртасида тақсимланади: яқиний истеъмолчиларға бензин, дизель ёқилғиси ва газ реализация қилишдаги акциз солиғи; айланмадан солиқ; айрим товарларни чакана савдосиға бериладиган ҳуқуқ учун ундириладиган йиғимлар;

мобиль алоқа хизмати ва алкоголь маҳсулотлари, шу жумладан пиво учун акциз солиғидан тушумлар тегишли равишда 2019 йил 1 июль ҳолатиға кўра Қоракалпоғистон Республикаси, вилоятлар ва Тошкент шаҳри аҳолисининг республика аҳолисидаги улушиға мувофиқ.

в) Қуйидаги харажатлар республика бюджетидан молиялаштиришға ўтказилди: умумтаълим мактаблари ҳамда мактабгача таълим ташкилотларининг биринчи ва иккинчи гуруҳ харажатлари Ўзбекистон Республикасини Халқ таълими вазирлиги ва Мактабгача таълим вазирлиги орқали (ушбу муассасаларнинг туртинчи гуруҳ харажатлари тегишли туманлар маҳаллий бюджетлари ҳисобидан амалға оширилади).

г) Қуйидаги харажатлар Шайхонтоҳур туман маҳаллий бюджетидан молиялаштиришға ўтказилди: фуқароларни ўзини ўзи бошқариш органлари томонидан тайинланган ижтимоий нафақаларни тўлаш харажатлари; давлат санитария-эпидемиология назорати туман марказини сақлаш харажатлари.

3. Қарорнинг: 4-иловасиға мувофиқ, Шайхонтоҳур тумани бюджетиға умумдавлат солиқларидан ажратмалар меъёрлари тасдиқланганлиги;

7-иловасиға мувофиқ 2020 йил учун Шайхонтоҳур тумани бюджетида йўл қўйиладиган айланма касса маблағларининг энг кам миқдори 1 503 407,0 минг сўм этиб белгиланганлиги маълумот учун қабул қилинсин; 2020 йил учун Шайхонтоҳур тумани маҳаллий бюджети даромадлари прогнози 1-иловаға мувофиқ маълумлансин.

4. 2020 йил учун Шайхонтоҳур тумани маҳаллий бюджетидан бюджет маблағларини тақсимловчиларға ажратиладиган маблағларнинг чекланган миқдорлари 2-иловаға мувофиқ тасдиқлансин.

5. 2020 йил учун Шайхонтоҳур туман бюджети захира жамғармаси ҳақими 1 622 990 минг сўм миқдорда белгилансин ҳамда захира жамғармаси маблағларини туман бюджетида қўллаш тўлиқлиги, чеклири бўлмайдиган харажатларни, шунингдек, ижтимоий-иқтисодий беқарорлик юзаға келган вазиятларда амалға оширилиши зарур бўлган тадбирларни молиялаштириш учун ажратилиши таъминлансин.

6. Шайхонтоҳур туман ҳокимлиги, туман молия бўлими ва бюджет маблағларини тақсимловчилари: туман бюджет маблағларини тақсимловчилар томонидан тегишли бюджетларни биринчи навбатда иш ҳақи ва унга тенглаштирилган тўловлар, озиқ-овқат, дори-дармон ва коммунал хизматлар учун харажатларнинг режалаштирилишини назарда тутган ҳолда шакллантирилишини назоратта олсин; ҳар чорак яқини билан кейинги чорак биринчи ойининг 25-санасиға қадар расмий веб-сайтларға бюджет маблағларини тақсимловчилари кесимида молиявий ҳисоботларни ҳамда бошқа тегишли маълумотларни жойлаштирсин;

туман маҳаллий бюджетининг қўшимча манбаларининг қамиди 10 фоизини жамоатчилик фикри асосида шакллантириладиган тадбирларни молиялаштиришға йўналтирилиши таъминлансин ҳамда веб-сайтларға уларнинг натижаларини жойлаштирсин.

7. Шайхонтоҳур туман ҳокимлиги, чораклар яқини бўйича мазкур қарорнинг 1-иловасида келтирилган даромадларнинг прогнози кўрсаткичлари ҳокимликнинг фаолиятиға боғлиқ бўлмаган ҳолда 5 фоиздан ортук миқдорға бажарилмаса ва молия йили охиригача ушбу маблағларнинг тушиш эҳтимоли бўлмаса, Тошкент шаҳар ҳокимлигиға харажатларни мақбуллаштириш билан бирға киритилган мурожаатлиға асосан тартибға солувчи бюджетларора трансфертлар миқдорини ошириш юзасидан тақлифлар киритилади.

8. Шайхонтоҳур туман ҳокимлиги: Қонуннинг 20-моддаси биринчи қисмиға мувофиқ, туман бюджетининг қўшимча манбалари биринчи навбатда ижтимоий соҳа муассасаларининг моддий-техника базасини мустаҳкамлашға йўналтирилиши таъминлансин.

Қонуннинг 24-моддасиға асосан, тегишли равишда бюджет маблағлари тақсимловчиларининг бюджет маблағларидан самарали фойдаланилиши ҳамда эришилган натижалар бўйича ҳисоботларини Кенгашиға киритилишини таъминлансин. бюджет даромадлари ва харажатларининг кўрсаткичлари бўйича бажарилишини таъминлаш, солиқ базасини кенгайтириш ҳамда иқтисодий салоҳиятини ошириш юзасидан зарур чора-тадбирлар қўриш, бюджет маблағларидан мақсадли ва самарали фойдаланиши устидан қатъий назоратни ўрнатиши учун туман Кенгашиға доимий равишда маълумот киритиб бориши.

Қонунда белгиланган айрим солиқлар ва тўлов ставкалари, солиқ солиш тартиблари ҳамда бошқа маълумотларни оммавий ахборот воситаларида ёритилишини таъминлансин.

9. Шайхонтоҳур туман ҳокимлиги Матбуот қотиби (С.Муртозақов):

мазкур қарор "Тошкент оқшоми" ҳамда "Вечерний Ташкент" газеталарида ёритилсин.

10. Мазкур қарор бажарилишини назорат қилиш Халқ депутатлари Шайхонтоҳур туман Кенгашининг маҳаллий бюджетни шакллантириш ва ижро этиш, иқтисодий ислохотларни амалға ошириш ва тадбиркорликни ривожлантириш масалалари бўйича доимий комиссияси ва Шайхонтоҳур туман ҳокимлиги зиммасиға юклатилсин.

Халқ депутатлари Шайхонтоҳур тумани Кенгаши раиси ўринбосари М.Адилов

2019 йил 17 декабрь

